

UNIVERZITET U SARAJEVU
STOMATOLOŠKI FAKULTET
SA KLINIKAMA SARAJEVO

Na osnovu člana 78. do 86. Zakona o visokom obrazovanju ("Službene novine Kantona Sarajevo" broj: 33/17, 35/20 i 40/20), a u skladu sa tekstom Konkursa za upis studenata u prvu godinu studija na Univerzitet u Sarajevu u studijskoj 2021/22 godini, Stomatološki fakultet sa klinikama raspisuje:

**OBAVIJEST O PRVOM UPISNOM ROKU
ZA UPIS STUDENATA U PRVU GODINU STRUKOVNOG STUDIJA DENTALNA
HIGIJENA U AKADEMSKOJ 2021/22 GODINI**

PRVI PRIJAVNI ROK:

- Od 14.06. do 02.07.2021. godine za fakultete gdje nije predviđeno polaganje prijemnog ispita

Preliminarna rang lista kandidata sa prvog prijavnog roka koji ispunjavaju uslov za upis na Stomatološki fakultet sa klinikama Univerziteta u Sarajevu bit će objavljena 05. 07. 2021. godine.

Stomatološki fakultet sa klinikama upisuje 60 (šezdeset) kandidata na strukovni studij Dentalne higijene i to:

- 60 (šezdeset) samofinansirajućih studenata – redovan studij sa punim fondom nastave, a troškove studija snosi sam student.

Prijave na Konkurs za upis u prvu godinu I ciklusa studija i integriranog studija vrše se isključivo online, putem informacionog sistema www.upis.unsa.ba

DOKUMENTACIJA POTREBNA ZA PRIJAVU NA KONKURS ZA UPIS:

- Podaci o kandidatima koji su srednju školu završili u Kantonu Sarajevo prilikom registracije povezuju se sa podacima u sistemu EMIS, te su dužni uploadovati Uvjerenje o državljanstvu i Izvod iz matične knjige rođenih.
- Kandidati koji su završili srednju školu po međunarodnim programima u Kantonu Sarajevo dužni su skenirati i uploadovati dokumente koji se ne nalaze u sistemu EMIS.
- Kandidati koji su srednju školu završili izvan Kantona Sarajevo, kao i kandidati koji su završili srednju školu u Kantonu Sarajevo a ne nalaze se u sistemu EMIS, dužni su skenirati i uploadovati sljedeće originalne dokumente:
 - a) svjedočanstva o završenim razredima srednje škole završene u Bosni i Hercegovini u četverogodišnjem trajanju odnosno odgovarajuće priznate dokumente za kandidate koji srednju školu nisu završili u Bosni i Hercegovini (ukoliko su dokumenti u postupku ekvivalencije, prilaže se potvrda kao dokaz da je postupak ekvivalencije u toku),
 - b) diplomu o završenoj srednjoj školi,
 - c) izvod iz matične knjige rođenih,

- d) uvjerenje o državljanstvu,
- e) dokumente relevantne za utvrđivanje broja bodova po kriterijima, kao i dokumente relevantne za dokazivanje statusa pripadnosti kategoriji djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja.

Prijave podnesene putem informacionog sistema eUNSA poslije roka utvrđenog Konkursom kao i nepotpune prijave, neće se uzimati u razmatranje.

RANGIRANJE PRIJAVLJENIH KANDIDATA:

Rangiranje kandidata i prijem studenata u prvu godinu studija vršit će se u zavisnosti od broja bodova koje kandidat osvoji na osnovu:

1. općeg uspjeha,
2. uspjeha iz maternjeg jezika i predmeta značajnih za strukovni studij Dentalne higijene: Biologija, Fizika i Hemija,
3. rezultata ostvarenih na takmičenjima iz predmeta relevantnih za strukovni studij Dentalne higijene: Biologija, Fizika i Hemija,
4. odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja
5. ostala bodovanja definirana u članu 21. Konkursa za upis studenata u prvu godinu studija
6. prioriteta izbora studijskog programa.

Pravo učešća na Konkursu pod jednakim uvjetima imaju:

- državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini;
- kandidati koji su srednju školu završili izvan Bosne i Hercegovine, a za koje je nakon postupka priznavanja odnosno ekvivalencije utvrđeno da imaju završeno adekvatno obrazovanje za nastavak školovanja;
- kandidati sa završenom četverogodišnjom srednjom školom po međunarodnim programima koji su odobreni od nadležnog ministarstva.

Izbor kandidata vršit će se na osnovu *Odluke o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u studijskoj 2021./2022. godini*, koja je sastavni dio Konkursa, kao i pojedinačnih kriterija utvrđenih za vrednovanje ocjena iz predmeta relevantnih za odgovarajući studijski program.

Preliminarna rang lista svih primljenih i prijavljenih kandidata objavljuje se putem informacionog sistema eUNSA kao i na oglasnoj ploči/web stranici fakulteta (pod šifrom koju su kandidati dobili prilikom registracije) nakon što je verificira Komisija, najkasnije dva dana nakon isteka roka za podnošenje prijave na odgovarajući prijavni rok Konkursa.

Na preliminarnu rang-listu kandidati imaju pravo prigovora u roku od tri dana od dana objave iste, o kojoj je Vijeće fakulteta obavezno donijeti odluku u roku od tri dana. Odluka vijeća po prigovoru je konačna. Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru. U slučaju uvaženog prigovora koji utiče na rangiranje kandidata unutar odobrene kvote, kvota se proširuje za broj kandidata kojima su uvaženi prigovori.

Konačna rang-lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici fakulteta.

Kada se na jedinstvenoj listi kandidata u predviđenoj kvoti upisa nalazi više kandidata koji ostvare isti broj bodova, primaju se svi kandidati u statusu za koji konkurišu, a lista se proširuje za taj broj kandidata.

U roku od sedam dana od dana objave konačne rang-liste, kandidat koji je ostvario pravo na upis je obavezan dostaviti originale uploadovanih dokumenata fakultetu i izvršiti upis; u suprotnom smatra se da je odustao od upisa na studijski program za koji je aplicirao.

Kada se na jedinstvenoj listi kandidata, koji su po osnovu kriterija za upis studenata utvrđenih Odlukom Vlade Kantona Sarajevo broj: 02-05-19288-9/09 od 11. juna 2009. godine, u predviđenoj kvoti upisa nađe određeni broj kandidata iz država nastalih nakon raspada SFRJ, lista primljenih kandidata se proširuje za taj broj kandidatima državljanima BiH najviše do 4% kandidata u statusu za koji konkuriraju.

Kada se na jedinstvenoj listi kandidata u predviđenoj kvoti upisa nađe određeni broj kandidata iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja, koje su fakulteti/akademije/centri/instituti obavezni osloboditi plaćanja troškova školarine, fakultet/akademija/centar/institut ima pravo za broj kandidata koje oslobodi plaćanja školarine proširiti broj studenata koje upisuje u prvu godinu studija kandidatima koji ispunjavaju formalni uvjet za upis i to u statusu studenta koji plaća svoj studij.

Pod jednakim uvjetima iz ovih kriterija prednost imaju:

- a) djeca boraca-branitelja BiH,
 - b) djeca ratnih vojnih invalida, djeca šehida i poginulih i nestalih boraca-branitelja i umrlih ratnih vojnih invalida,
 - c) djeca organizatora otpora,
 - d) djeca veterana-prvoboraca i
 - e) djeca nosilaca najviših ratnih priznanja
- (čl. 1, 2, 5. i 24. Zakona o dopunskim pravima boraca-branitelja BiH ("Službene novine Kantona Sarajevo", broj: 45/12- Prečišćeni tekst 26/14, 46/17, 18/19 i 18/21).

Kandidati iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja oslobođeni su plaćanja troškova upisnine i školarine.

Visina participacije cijena usluga i školarina Univerziteta u Sarajevu, te fakulteta i akademija u njegovom sastavu utvrđena je Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu („Službene novine Kantona Sarajevo“, broj: 19/09, 31/12, 36/12, 4/15, 15/15, 16/18 i 21/18).

DRUGI PRIJAVNI ROK:

- od 30.08. do 17. 09. 2021. godine za fakultete gdje nije predviđeno polaganje prijemnog ispita

Na fakultetima/akademijama/centrima/institutima na kojima je ostalo upražnjenih mjesta u prvom prijavnom roku, kandidati se mogu prijaviti na drugom prijavnom roku. Pravo prijave u

drugom upisnom roku imaju svi kandidati koji konkurišu prvi put za upis, kao i kandidati koji su konkurisali u prvom, roku a nisu se upisali, odnosno ispunili uvjete za upis.

Preliminarna rang lista kandidata sa drugog prijavnog roka koji ispunjavaju uslov za upis na fakultete/akademije Univerziteta u Sarajevu bit će objavljena 20. 09. 2021. godine.

Detaljnije informacije o mjestu i vremenu predaje originalnih dokumenata/ovjerene fotokopije dokumenata za upis, kao i druge relevantne informacije bit će objavljene na web stranici/oglasnoj ploči fakulteta.

